



Directivas per la construcziun d'agids da catscha

relaschadas entras

la vischnaunca da Medel/Lucmagn

Basas legalas

Agids da catscha (definiziun mira giusut) sin territori d'uaul representan giuridicamein baghetgs pigns buca forestals che basegnan negina damonda da runcada (art. 27 LCG, art. 17 OCG). Perencunter sto vegnir dumandau per il consentiment dil survetsch forestal (art. 18 OCG) resp. dil possessur d'uaul.

Agids da catscha ordeifer il territori d'uaul basegnan ina lubientscha tenor la lescha da baghegiar vertenta dalla vischnaunca da Medel. Gl'uffeci forestal suttametia talas damondas all'istanza da baghegiar per tractament e decisiun.

1. Definiziun d'agids da catscha

plaz da seser	plazs sempels da seser ord roma per tiara, senza travestgida laterala e tetg; ei resulta negins donns vid la plonta entras guotas, ferradira e.a.v. ed/ni entras ligiar giu cun fildrom, sugas ed auter. Ei vegn fatg negina midada da terren
sez ault movibel	sez ault ord alumini, material sintetic e.a.v. cun ni senza scala integrada che vegn pusaus enviars ina plonta ni fixaus cun tschentas entuorn il best dalla plonta
sez ault	basa da seser sin combas-lenn (lattas ni bests da plontas) ni sin in pégn, travestgida laterala, cun ni senza tetg
hetta da laghetg temporara	hetta da laghetg che vegn montada sil pli baul ils 1 d'october e demontada sil pli tard ils 30 d'avrel
hetta da laghetg permanenta	hetta da laghetg che resta permanentamein el liug ei sin territori dalla vischnaunca da Medel <u>buca lubida</u>
largia da sittar	allontanament da singulas plontas per saver sittar sin la selvaschina giu dad in post da catscha (sez ault ni sez bass)

2. Directivas

- Plazs da seser basegnan negina lubientscha ufficiala, aschi lunsch che las pretensiuns vid talas vegnan respectadas, v.d. negin material jester e negins donns vid las plontas.
- Damondas per la construcziun d'agids da catscha ein da far cul formular uffical per mauns digl uffeci forestal. Ellas vegnan tractadas dalla cumissiun da menaschi.
- Mintga singul sez/agid da catscha ei d'annunziar individualmein cun in formular.
- Suenter 5 onns ei mintga damonda d'inoltrar da niev.



-
- e) Sezs aults e hettas da laghetg ein da nudar bein veseivlamein cun la numera che vegn attribuida entras la vischnaunca.
 - f) Sezs aults e hettas da laghetg che vegnan buca utilizadas pli ston vegnir allontanadas entras il possessur. Gl'allontanament ei d'annunziar agl uffeci forestal resp. al proprietari d'uaul. Succeda negin allontanament, procura gl'uffeci forestal per tal. Ils cuosts vegnan adossai al possessur pertuccau.
 - g) Sezs aults e hettas da laghetg che midan possessur ein d'annunziar agl uffeci forestal resp. al proprietari d'uaul cun in niev formular official.
 - h) Mintga catschadur ha la lubientscha da max. treis agids da catsch'aulta, e treis agids da catscha da laghetg.
 - i) Ils indrezs da catscha (sezs aults, hettas da laghetg) ston vegnir construi aschia ch'ei resulta negins donns vid singulas plantas ed igl uaul. En special eis ei scumandau da pitgar ferradira ellas plantas per fixar aissas, sezs ni scalas.
 - j) Il volumen maximal dalla construcziun cumporta 1.5 x 1.5 x 2.0 m.
 - k) Per la segirtad dils sezs aults resp. las hettas da laghetg ei il possessur responsabels cumpleinamein. La vischnaunca refusa tutta responsablada per accidents e donns che resultan, quei era enviers tiarzas personas.
 - l) Tier eveniments specials ni situaziuns extraordinarias (p.ex. lenna dil bau, lenna derschida ...) sa il selvicultur pretender da tut temps gl'allontanament immediat dils indrezs da catscha, sche quels impedeschan las lavurs forestalas. Cheutras resulta negin dretg d'indemnisaziun pil possessur.
 - m) Largias da sittar astgan vegnir fatgas mo cul consentiment digl uffeci forestal resp. dil proprietari d'uaul. Las lavurs astgan vegnir exequidas **pér suenter la marcaziun entras il selvicultur.**
 - n) Ina gliesta actualisada dallas lubientschas va a l'istanza da baghegiar.
 - o) Cunterfatgas enviers leschas e la directiva avon maun vegnan punidas.

Curaglia, ils 30 da mars 2017

Suprastonza communal

Il president:

Il canzlist:

Peter Binz

Valentin Pally